



**PUAN** Yang Terutama Duta Besar Istimewa dan Mutlak Kerajaan Thailand ke Negara Brunei Darussalam (NBD) semasa hadir pada Tahun Baharu Thailand atau lebih dikenali sebagai Festival Songkran atau Festival Air.

# FESTIVAL SONGKRAN DISAMBUT MERIAH

Oleh : Khartini Hamir  
Foto : Ak. Mohd. Aminol Adi Azraie Pg. Haji Nikman

**BANDAR SERI BEGAWAN**, Sabtu, 3 April. - Kedutaan Diraja Thailand di Negara Brunei Darussalam (NBD) menganjurkan Tahun Baharu Thailand atau lebih dikenali sebagai Festival Songkran atau Festival Air.

Festival mengambil tempat di kediaman Kedutaan Besar Thailand, Duta Besar Istimewa dan Mutlak Kerajaan Thailand ke NBD, Puan Yang Terutama Wanthanee Viputwongsakul.

'Songkran' merupakan tradisi

Tahun Baharu Thailand yang diraikan pada 13 hingga 15 April setiap tahun.

Di Thailand, perayaan bermula pada 13 April yang juga merupakan Sambutan Hari Warga Emas.

Acara ini diadakan adalah sebagai tanda penghargaan kepada warga tua atas sumbangan mereka selama bertahun-tahun kepada keluarga dan negara.

Sementara pada 14 April ditetapkan sebagai Hari Keluarga

untuk meraikan cinta dan hubungan kekeluargaan.

Festival turut diraikan bersama dalam kalangan para jemputan khas Puan Yang Terutama, terdiri daripada para Perwakilan Asing dan Duta-duta Besar Istimewa dan Mutlak ke negara ini serta Pegawai-pegawai Kanan kerajaan dan dalam kalangan keluarga dan rakan warga Thailand yang berada di negara ini.

Dalam festival tersebut, turut diserikan dengan pelbagai persembahan kebudayaan dan tradisional yang menarik, di samping juga diadakan gerai-gerai makanan yang bertemakan 'Street Food Thailand'.



SUASANA Festival Songkran yang mengambil tempat di kediaman Kedutaan Besar Thailand (kiri dan kanan).



Siaran Akhbar dan Foto :  
Universiti Islam Sultan Sharif Ali

**GADONG**, Sabtu, 3 April. - Atas inisiatif untuk meringankan beban anak-anak yatim di Negara Brunei Darussalam dan sebagai sumbangan khidmat sosial, Universiti Islam Sultan Sharif Ali (UNISSA) melalui Pusat Penataran Ilmu dan Bahasa (PPIB) mengadakan Majlis Penyampaian Derma Dana Pengiran Muda Mahkota Al-Muhtadee Billah Untuk Anak-Anak Yatim (DANA)

baru-baru ini di The Seasons Restaurant, Centrepont Gadong.

Penyampaian Derma Dana berjumlah BND12,352.73 itu disampaikan oleh Rektor UNISSA, Dr. Awang Haji Norarfan bin Haji Zainal kepada Setiausaha Tetap (Perancangan, Guna Tanah dan Alam Sekitar), Kementerian Pembangunan, Dr. Nor Imtihan binti Haji Abdul Razak selaku Pemangku Ketua Pegawai Eksekutif DANA.

# UNISSA hulur sumbangan kepada DANA



**REKTOR** Universiti Islam Sultan Sharif Ali (UNISSA) semasa menyampaikan Derma Dana kepada Setiausaha Tetap (Perancangan, Guna Tanah dan Alam Sekitar), Kementerian Pembangunan selaku Pemangku Ketua Pegawai Eksekutif DANA.

Majlis yang berkebakikan ini adalah sebagai wadah kepada Warga UNISSA, terutama para pelajar dalam melaksanakan tanggungjawab mereka kepada masyarakat, khususnya golongan anak-anak

yatim. Majlis juga bertujuan untuk menjalin ikatan silaturahim dan kerjasama di antara Warga UNISSA dengan masyarakat luar, di samping dapat bertukar-tukar pandangan dengan pihak DANA

dalam sebarang kerjasama yang dapat dijalankan bagi kepentingan bersama.

Turut hadir, Pegawai Kanan Yayasan Sultan Haji Hassanal Bolkiah dan Pegawai-pegawai Utama UNISSA.